



საქართველოს მეცნიერებათა ეროვნული აკადემია

ქართული ენციკლოპედიის ი. აბაშიძის სახელობის მთავარი სამეცნიერო რედაქცია

კერესელიძე შალვა იასონის ძე

კერესელიძე შალვა იასონის ძე [12(25). XII. 1913, სოფ. უწერა, ახლანდ. ონის მუნიციპალიტეტი, - 3. I. 1997, თბილისი], ინჟინერმექანიზატორი, კონსტრუქტორი. საქართველო. სოფ. მეურნ. მეცნ. აკად. ნამდვილი წევრი (1992). ტექ. მეცნ. დოქტორი (1960), პროფესორი (1962), საქართველოს დამს. გამომგონებელი (1961), საქართველო. მეცნ. და ტექ. დამს. მოღვაწე (1962). 1943-49 მუშაობდა საქართველო. სას.-სამ. ინ-ტში, 1949-54 - ჩაისა და სუბტროპიკული კულტურების მანქანების სპეც. საკონსტრუქტორო ბიუროს უფროსად, 1955-62 - საქართველო. სუბტროპ. მეურნ. ინ-ტის პრორექტორად; 1962-71 იყო საქართველო. სოფ. მეურნეობის მექანიზაციისა და ელექტრიფიკაციის ინ-ტში დირექტორის მოადგილე და პრობლემური ლაბორატორიის უფროსი, 1971-75 - სამთო მინათმოქმედებისა და სუბტროპ. კულტურების მანქანების სამეცნ. და საკონსტრუქტორო-ტექნოლოგიური ინ-ტის დირექტორი და გენ. კონსტრუქტორი. 1975-იდან საქართველო. სოფ. მეურნ. მექანიზაციის და ელექტრიფიკაციის ინ-ტში ხელმძღვანელობდა ჩაისა და სუბტროპ. კულტურების მანქანების სამეცნ.-კვლ. და საკონსტრუქტორო ტექნოლ. ლაბორატორიას.

კ-ის ძირითადი შრომები ეხება ჩაისა და სუბტროპ. კულტურების მექანიზაციას. ჩაის საკრეფი მანქანის "საქართველოს" შექმნისა და წარმოებაში დანერგვისთვის სპეციალისტების ჯგუფთან ერთად მიენიჭა ლენინური პრემია (1967), ხოლო ნაშრომისთვის "სამთო მინათმოქმედებისა და სუბტროპიკული კულტურების მექანიზაცია" - კ. ამირაჯიბის სახ. პრემია (1992). დაჯილდოებულია 2 ლენინის ორდენით.

თბ.: ჩაის მოვლა-მოყვანის სამუშაოთა კომპლექსური მექანიზაციის თანამედროვე მდგომარეობა და პერსპექტივები, თბ., 1964; Индустриальная технология возделывания, сбора, загрузки, выгрузки, транспортировки и переработки чайного листа, Тб., 1972; Механизация горного земледелия и субтропических

культур, Тб., 1988.
